

Na osnovu člana 5. Pravilnika o izboru, organizaciji i radu Komisije za praćenje zaštite prava osoba sa duševnim smetnjama Federacije Bosne i Hercegovine („Službene novine Federacije BiH“, broj 44/13), Federalno ministarstvo zdravstva raspisuje

**PONOVNI JAVNI OGLAS
ZA IZBOR ČLANOVA I ZAMJENIKA ČLANOVA
KOMISIJE ZA PRAĆENJE
ZAŠTITE PRAVA OSOBA SA DUŠEVNIM SMETNJAMA
FEDERACIJE BOSNE I HERCEGOVINE**

1. Objavljuje se Ponovni javni oglas za izbor članova i zamjenika članova Komisije za praćenje zaštite prava osoba sa duševnim smetnjama Federacije Bosne i Hercegovine (u daljem tekstu: Federalna komisija), i to u dijelu koji se odnosi na izbor:

- diplomirana medicinska sestra-tehničar.

Federalna komisija, je stručno, neovisno, savjetodavno tijelo Federalnog ministarstva zdravstva koje prati provođenje zaštite prava osoba sa duševnim smetnjama u zdravstvenim ustanovama primarne, sekundarne i tercijarne zdravstvene zaštite.

Federalna komisija prati i zaštitu prava osoba sa duševnim smetnjama smještenih u ustanovama socijalne zaštite osnovanim saglasno Zakonu o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine („Službene novine Federacije BiH“, br. 31/08 i 27/12), a radi osiguranja stručnog nadzora, u dijelu koji se odnosi na zdravstvenu zaštitu osoba s duševnim smetnjama.

2. Federalna komisija, saglasno Zakonu o zaštiti osoba sa duševnim smetnjama („Službene novine Federacije BiH“, br. 37/01, 40/02, 52/11 i 14/13) i Pravilniku o izboru, organizaciji i radu Komisije za praćenje zaštite prava osoba sa duševnim smetnjama Federacije Bosne i Hercegovine („Službene novine Federacije BiH“, broj 44/13), obavlja sljedeće poslove:

- poduzima mjere za sprječavanje nastanka duševnih bolesti i drugih duševnih smetnji,
- unapređuje postupanje prema osobama sa duševnim smetnjama,
- prati provođenje postupaka propisanih zakonom i predlaže zdravstvenoj ustanovi i nadležnom organu uprave mjere za otklanjanje uočenih nezakonitosti,
- prati poštivanje ljudskih prava i sloboda i dostojanstva osoba sa duševnim smetnjama,
- kontinuirano saraduje sa komisijom za zaštitu prava osoba sa duševnim smetnjama, komisijom za prigovore pacijenata, komisijom za kvalitet i sigurnost zdravstvenih usluga osnovanim pri zdravstvenim ustanovama, etičkim komitetima osnovanim u skladu sa Zakonom o zdravstvenoj zaštiti („Službene novine Federacije BiH“, broj 46/10), zdravstvenim savjetima jedinica lokalne samouprave kantonalnih ministarstava zdravstva i Federalnog ministarstva

zdravstva osnovanim u skladu sa Zakonom o pravima, obavezama i odgovornostima pacijenata („Službene novine Federacije BiH“, broj 40/10), kao i drugim subjektima u zajednici.

3. Mandat članova Federalne komisije traje četiri godine, a po isteku mandata ista osoba može na osnovu javnog oglasa, ponovno biti imenovana, ali najviše za još jedan mandatni period.

4. OPĆI I POSEBNI UVJETI ZA KANDIDATE

A) OPĆI UVJETI

- da je stariji od 18 godina (izvod iz matične knjige rođenih),
- da je državljanin Bosne i Hercegovine (uvjerenje o državljanstvu ne starije od šest mjeseci),
- da se na njega ne odnosi član IX.1. Ustava Bosne i Hercegovine, odnosno da nije pod optužbom Međunarodnog suda za ratne zločine (ovjerena izjava),
- da nije na funkciji u političkoj stranci (ovjerena izjava),
- da nije član zakonodavne ili izvršne vlasti ili savjetnik u smislu odredbi Zakona o sukobu interesa u institucijama vlasti Federacije Bosne i Hercegovine (ovjerena izjava)

B) POSEBNI UVJETI

- najmanje pet godina iskustva na poslovima u svom stručnom zvanju (potvrda poslodavca/poslodavaca),
- profesionalne kompetencije saglasno stručnom profilu navedenom pod tačkom I ovog Javnog oglasa,
- obavezno poznavanje ljudskih prava i zaštite prava osoba sa duševnim smetnjama,
- izuzetne komunikacijske vještine,
- spremnost za timski rad.

5. Uz prijavu na Ponovni javni oglas, kandidati su dužni dostaviti dokaze o ispunjavanju općih i posebnih uvjeta iz tačke 4. A) i tačke 4. B) stav 1. alineja jedan ovog oglasa i biografiju, te dokaze o stečenoj stručnoj spremi (ovjerena kopija diplome, uvjerenja o položenom specijalističkom/subspecijalističkom ispitu, i sl.).

Posebni uvjeti iz tačke 4. B) stav 1. alineje od dva do pet provjeravaju se putem intervjua koji će se obaviti sa svim kandidatima koji ispunjavaju uvjete Javnog oglasa u pogledu dokumentacije.

6. Ponovni javni oglas ostaje otvoren 14 (četrnaest) dana od dana posljednjeg objavljivanja ovog javnog oglasa.

Neblagovremene i nepotpune prijave neće biti uzete u razmatranje.

Prijave kandidata sa dokazima (u originalu ili ovjerenoj fotokopiji) dostavljaju se preporučenom poštom ili lično na adresu:

**„FEDERALNO MINISTARSTVO ZDRAVSTVA
Ul. Titova broj 9.
71000 Sarajevo“
sa naznakom**

**„Prijava za izbor članova i zamjenika članova Komisije za praćenje zaštite
prava osoba sa duševnim smetnjama Federacije Bosne i Hercegovine
– ne otvarati.“**

Na poleđini koverta navesti ime i prezime podnosioca prijave, adresu i kontakt telefon.

7. Ponovni javni oglas će biti objavljen u dvije dnevne novine i na web stranici Federalnog ministarstva zdravstva.

8. Svi kandidati koji budu stavljeni na listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovoditeljima od kojih se mogu dobiti preporuke i informacije o kandidatima.

Prilikom procjene kvalifikacije i iskustva kandidata, na intervjuu će se posebno cijeliti poznavanje osnovnih ljudskih prava i zaštite prava osoba sa duševnim smetnjama, kao i doprinos kandidata u unapređenju zaštite osoba sa duševnim smetnjama.

Nakon završene procedure izbora članova Federalne komisije, prijave i dokumentacija se neće vraćati kandidatima koji su aplicirali na ovaj Ponovni javni oglas.